

BUWERUMMER

Kernweckel

EISKALT!



1991

PROLOG

De Kerweumzug war jo hoffentlich ganz gut
doch jetzt mach´ ich uff moi grossi Schnut

Awwer vorher du ich moi Stimmche öle
do kann ich die Sätz besser ´rausquäle

Jetzt will ich mol gucke wie ´s steht mim Humor
awwer ich hun jo geheert die Buwerumer Leit soin
ganz klor

Mer fangen jetzt a, es werd langsam Zeit
sunscht steh´ mer moje noch do unn soin genauso weit

Ich sauf´ noch schnell one uff gudes Gelinge
Vielleicht´ du ich eich die Kerweredd am Schluss noch
singe

Hoffentlich henn er unser Sprichelche net velernt
zeigen jetzt mol, dass ihr´s noch kennt :

Tommi's Knoblauchkur

En Jugendliche aus Buwerum
spielt gern mit de Fernbdienung rum

Nachts um 12 saat er "Guck mal da,
im ZDF laaft Dracula"

Körperlich is er jo ganz gut druff,
awwer bei dem Film geht 'em ganz schä die Muff

Bleich vor Angst macht er's Fernseh aus
doch aus em Zimmer traut er sich net mehr raus

"Do is doch grat e Audo ogfahr,
des war beschtimmt schunn de Dracula"

Mit letschter Kraft unn zitternder Hand
nemmt de fromm Messdiener de Rosekranz vunn de Wand

Jetzt dud aach noch die Stubedeer uffgehe
unn schunn sieht er en dunkle Schatte dostehe

"Oh, bitte, bitte du mer nix
griesch ach de Rescht vunn moine Chio-Chips"

"A geh, sei ruisch, du aldi Flasch
ich bin doi Mutter, falls des nimmi waasch"

Als se sieht den Kerl do so flehe,
dud se mo korz iwwerlehe

"Horch zu, ich geb der en Tip aus Kennerkreise
Vampire dun ko Leit mit Knobloch beisse !

Drunne in de Kich leid,do kansche der e Stick nemme
unn her bloss uff do rumsemache wie e Memme!"

"Awwer Mutter,Mutter,des musche vestehe,
ich kann jetzt net enunner gehe!

Do kennt doch schunn de Dracula soi
unn der will bestimmt net unsern gude Woi"

Schliesslich ging doch alles **gut,**
de kloo Weisskopp hott immer noch soi Blut,

Doch hot er beim fernsehe seit dere Zeit
e Zeche Knobloch stets bereit.

Eine schöne Bescherung

Am Bescherdach mojens hots in Mannem gekracht,
es war noch sehr frieh,so vertel no acht.

De Schuldische hot sich glei vedrickt,
es Opfer war dodevunn nadiierlich gonet entzückt.

Awwer zum Glück hot de Mann in grie,
den Schädiger noch flüchte gesieh.

Der schääle Bulle war fescht devun iwerzeigt,
dass soi Beobachtungsgab noch fer so e ald Autoche
reicht.

Er hot sich gedacht,"Den krie mer,des wär doch gelacht,
die Beschreibung die hab ich,eh silwernes Auto mit
P-1-6-8."

In der Hoffnung,dass er den Täter fassen kann
kurbelt er glei e Grossfahndung an.

Weil die meischde Krimminelle kummen jo aus em
Dunnerschbergkreis,
laafen bei de Kripo in Kerchem die Telefone heiss.

"Gebt´s bei eich en silwerne Japs mit em deitsche
Nummernschild,
der hot sich bei uns nämlich uffgefiehrt wie wild.

Des Mannemer Auto,des sieht jetzt bes aus,
de Motor guckt schunn zum Kofferraum raus."

Bei nem Buwerumer Mazda-Fahrer hot dodruff es Telefon *geschellt*
unn sich mit "Kripo-Kerchem" gemeldt.

Der Telefonbesitzer denkt, die machen Scherze,
bei uns brennen doch schunn die Weihnachtskerze.

"Ich bekenn mich schuldisch" ruft er aus Jux in die
Röhre,

do wold em der Beamte schunn soi Rechte erkläre.

Der Beamte sagt: "Kommen sie bitte auf's Revier."

"Des geht net, ich trink grad moi 5. Bier."

"Wo waren sie Heut morgen um viertel nach acht?"

"Do war ich im Wald unn hab moin Baam ausgemacht."

Eh halb Stunn später kligelt's an de Deer,

"Kannsch du net zu uns kumme, kummen mehr halt
zu der."

Sie hunn dann es Auto inspiziert,
nix feschtgeschellt, unn sin dann widder ab-
marschiert.

De Schuldische hot sich mittlerweile bei de Polizei
gemeld,
unn die Sach mol Klargestellt.

Das des desjohr net widder ablaaft
hot sich de Schording en Anrufbeantworter kaf.

Technik, die begeistert

Weil unserm Mezjer soi Opelsche nimmi laaft
Werd halt en Mercedes gekaaft

Damit en awwer jo kooner klaut
hot er sich e Garasch drumrum gebaut

Doch des Dor des war so schwer
drum musst en ferngeschteierte Garaschedorhewwwer her

Um die Fernbedienung net zu verliere
dut se de Lui im Auto deponiere

Am negschde Samschdaach wie sich des geheert
werd vor jedem Haus die Gass gekehrt

Weil de Benz im Wege war
werd er gleich in die Garasch nengefahr

Als de Mario ferdisch war mim Kehre
dut en des offene Garaschedor noch steere

Er hot enne uffs Kneppsche gedrickt
unn sich dann ganz elegant unnerm zugehende Dor
dorschgebickt

Am Sunndach hed de Ludwisch soim Besuch emol gezeigt
wie sich des Dor elektrisch hebt und neigt

Doch plötzlich fallt em Ludwisch oi:

"Ei die Fernbedeinung leit jo noch im Auto droi!"

De Ludwisch saat dodruff: "Zum Glick gebts noch e
Hinnerdeer,
schää wär's wann die noch offe wär"

Die Deer war zu mer konnt sich's jo denke
do dut de Wolfgang soin Blick glei uff de Mario
lenke

"Ei Vadder, iss doch klar, du net glei vedriesse
dass kooner unser schee Auto klaut, hat ich mer er-
laubt die Deer zuseschliesse"

Er zerrt unn zoppelt an de Deer
unn hot schon Angscht er sieht soin Mercedes
nimmermehr

Dodebei hot er soviel Krach gemacht
dass selbst de Gockel iss aus soim Mittagsschlof
uffgewacht

Der dut aus em Fenschter enaus blicke
unn 2 Minute später mim Ditrichsatz ooricke

Als geübter Profi losst de Ginder de Dietrich im
Deerschloss schwinge
unn Ruck-Zuck kann de Ludwisch glicklich in soi
Garasch oidrige

Drum lieber Wolfgang loss der saa
fer die neie Sicherheitstechnike sinn die alde
Tricks immer noch e Gefahr

Mittwoch owends um halb acht
werd in Buwerum die Hall uffgemacht

Es dauert noch koo halwi Stunn
do henn sich die meiste Sanger dort oigefunn

An om Owend hot doch glatt
oner vunn denne Geburtstag gehatt

Awwer zuerscht hen se es singe iwe misse
doch dodeno hot es Geburtstagskind e Runde gesch-
schmisse

So mancher trinkt dann e bissje mehr
denn soin Geldbeutel wert jo net leer

Aach en Hinnergassler hot sich gedacht
"Ich trink noch e paar, den Meter hom schaff ich
noch, des war jo gelacht"

De klee Zeiger vunn de Uhr is erscht in Richtung 12
geloff
do hunn die annere denjenische schunn unner de Disch
gesoff

Der Sportsmann kann nimmi allo homlaafe
deswe missen e paar annere helfe ne hom se schlaafe

Sie zerr'ne rum, mitte in de Nacht
unn dodebei hatt' sich ehr Opfer schier in die Hosse
gemacht

Er hott en ganz sheene Druck uff de Blos ve-
schbiert

unn is statt uff de Klo in die Rose vunn soim Heim
maschiert

Uff soin zwee Bee konnt er sich nimi gross halle
deswe dut er sich am Wäscheloiposchde feschkralle

Doch plötzlich verliert der Sänger soin Halt
unn is volle Kiste in die Rose geknallt

Er kreischt om es Ohr ab unn wirrer dro
besonders als er griecht die Stachele widder aus em
Hinnere rausgezoh

Deswe Ottel los der saa
wann de wirrer in die Rose pingelsch dusche e
Ritterrüstung traa.

De zwedde Ball

Trotz Tennis, Golf unnd Computerspäle
dutt sich mancher noch mimme alte Fussball abquäle

En Ex-Buwerumer denkt er kennt des gut
doch Ruck-Zuck leit er uff de Schnut

Er rennt iwver de Acker wie nemmer ganz klor
stolwert awwer dauernd vor Geschner soim Door

Uff emo sieht er gar zwee Bäll oflieh
do hot er nadierlich soi grossi Chance kumme gsieh

Er sucht sich aner aus unnd robbt voll druff
doch "OH SCHRECK" de echte Ball dopst jo grad
newerme uff

Es war nemlich de Kopp vun soim Geschner den er hot
touschiert

unnd dodebei soi eischeses Schiebo demoliert

De onner steit uff unnd is nur leicht ogeschla
doch unsern Profi missen se vum Platz runertra

Unnd während sich die annere dun druff uff ner Feier
amisiere

muss de Seyb, der war des, soi Knoche kuriere

Drum lieber Karl-Heinz loss der saa

beim negschde Spiel du sche e Brillsche traa

Halbgott in Weiss (Teil 2)

Vorsjohr an de Kerb,de is jo wohl jedem bekannt
bin ich do iwwe uff em Tennisplatz rumgerannt

Doch die strapaze henn net viel
verbessert an moim Tennisstil

Denn,ehr wissens bstimmt,man sangs´ s im Chor
beim ledschde Tunier hab ich e Spiel verlör

Wutentbrant hunn ich gsaat nom ledschde Satz
dass ich nie wieder spiel uff em Buwerumer Platz

Ob ich des awwer oihall,des waas ich noch net
druff abschliesse det ich jedenfalls koo hohi Wett

Drehn eich norre mo um,vielleich du ich schunn
wirrer hetze

de geele Ball iwwer die Tennissetze

Moin Name"-Der iss eich bestimmt bekannt
wann net geb ich eich en Tip - er fangt a mit "R"-
wie Rückhand

AUS DEM LEBEN GEGRIFFEN

Weil de Erich mojens zum Zeitungsaustraer war zu spaet
gewes

hot er sich schnell in sein Benz nengeschmess

Vun owens warn awwer noch e paar Prommille im Kopp
drinne

sodass de Lebkücherdud de Vorwärtsgang net finne

Er denkt sich noch: "Is net so schlimm"

gebt Gas und hängt a schunn mit de Lichter im Hof-
maiersche drin

Drum Erich, es negschde mol du sche erscht e biss-
je iwe

orner kaafsch der glei e Fahrzeich mit Automatik-
getriebe

Vor e paar Woche hab ich in e Ratt in moim Gaade
gsieh

un mer glei gedenkt "Dich krie ich, du elendes Vieh"

Seit Tage dud die Ratt awwer Moine Mordversuche ent-
gehe

unn wann ich heit net uff de Kerb bin du ich immer
noch vor ehre Loch stehe

Der Rattenfänger (ohne Flöte)

vun Bubenheim

Wilhelm Bohn

Benötige dringend eine grosse Packung Tai-Gingseng,
damit ich nicht wieder nach 5 Minuten vergesse,
für welches Amt ich im Tennisverein gewählt wurde.

Der Verkalkte (Ixi)

(Alte Ixis leben länger mit Calgon)

Wer schenkt uns ein paar Feuerlöcher, damit wir
unseren Ausflugsbus das nächste mal selbst löschen
können?

Die Klatschweiber auf grosser Fahrt

Weil ich mich mit Worten nicht verständigen kann,
muss ich mit Eistüten auf Bubenheimer Mitbürger
werfen.

Michael "Der aus dem Hinterhalt kam" Zimmermann

Wer sucht für nächstes Jahr einen Kampftrinker der
Leistungsklasse zwecks Pfingstwettrinken?

Bitte melden bei:

Alexander "de Schlicker" Kienle

An dere Stell wollte mer eigentlich en Schlag iwwer
Odderschem schreiwe wu disjohr die Generalversamm-
lung vum Sportverein gehall wor is....

...awwer die Odderschemer Beteilischung war de

Schlag net wert

Wer stiftet 4 Gummieckfähnchen fü den Bolzplatz,
damit ich nicht wochenlang mit dem Erneuern der von
mir umgewalzten Holzeckfähnchen beschäftigt bin ?

De Labbadia-Spatz (Junior)

Fer die Feierwehr werd mer die Zeit so knapp,
do hau ich lieber mit moine Freundin ab

De Ex-Feierwehrkommandant-in-spe

Lucky

Wer schweisst mir ein Bett aus 15er Rundstahl
weil mein altes mich nicht mehr zu tragen ver-
mochte und mitten in der Nacht unter meiner Last
zusammenbrach

De Tonne-Willi

Dass die Seit voll werd noch enn kloone Witz:

(werd net an de Kerb vorgeles)

Saat enn Blinde zum annere:"Unn wie,aach schunn
lang nimmi gsieh"

Saat en Taube zum annere:"Ou,aach schunn lang nix
mehr vunander gehert"

Saat ein Stumme zum annere:"....."

EPILOG

Jetzt kummt e Wort des jeder kennt
ehr liewe Leit mehr soin am End

Ich hab eiern Humor uff die Probe gestellt
was uns hoffentlich koner iwwele nemmt

Unn wem's gefall hot der losst sich net lumpe
mer kennen einische Stein abpumpe

Nun geb mer nochemol des Gläsje ruf
unn anschliessend schmeiss ich's do unne uff

Und wenn dies Glas in meiner Hand nicht zerbricht
dann wird die ganze Kerwe nichts.

Die Buwerummer Kerb sie leewe HOCH, HOCH, HOCH !!!

Donnersberger Rundschau



Mächtig ins Schwitzen kamen bei der Bubenheimer Kerwe die Landfrauen in ihren Federkleidern.

Foto: Stepan

BUBENBHEIM (red/kop). Herrliches Sommerwetter mit über 30 Grad im Schatten war der Bubenheimer Kerwe beschieden. Einmal mehr unterstrich das Violentaldörfchen: Auch in einer kleinen Gemeinde kann man viel Originelles auf die Beine stellen.

Angeführt wurde der Kerweumzug von den Allerkleinsten auf ihren bunt geschmückten Rädchen. Der Gesangsverein warb mit einem schönen Wagen für Sängernachwuchs. Der Feuerwehrwagen zeigte an, daß man seit der Übernahme der Bachpatenschaft bald wieder im Ammelbach Fische angeln kann. Der Umzug des Bundestages nach Berlin, die Ben-

Hühner schwitzen unterm Federkleid

Heiße Bubenheimer Kerwe

zinpreiserhöhung und die Golfkrise wurden ebenso trefflich dargestellt. Ein Wagen mit jungen begeisterten FCK-Fans erinnerte an den Gewinn der Deutschen Fußball-Meisterschaft - das „größte“ Ereignis für die Pfälzer. Die Schoppenschwänzchen gackerten als Hühner um Bauer, Bäuerin und Eiermann.

Die Kolpingkapelle Zell begleitete die

Kerweborsch und den Umzug mit flotten Liedern zum Dorfgemeinschaftshaus, wo die Kerwered von Steffen Rathgeber gekonnt an den Mann gebracht wurde. Wellfleischessen, Kerwetanz und Früh-schoppen fanden ebenso viel Anklang.

Die heiße Witterung bei der diesjährigen Kerwe rief Erinnerungen an die erste vom Oktober in den Sommer verlegte Kerwe des Jahres 1914 wach. Für die Hausfrauen und Metzgereien bedeutete sie seinerzeit eine große Umstellung, denn Kühlgeräte gab es kaum. Aber drei Tage (Sonntag, Montag, Dienstag) wurde auch damals zünftig gefeiert.